



UNIVERSITÄTS-
BIBLIOTHEK
PADERBORN

**SYNTA||XIS LINGVAE GRAECAE,|| IOANNE VARENNIO ||
Mechliniensi Au||tore.|| PRAETEREA ANNO-||tatiunculae
paucae ad praecepta Synta=||xis Varennianaee, per
IOACHI-||MVM CAMERA-||RIVM.|| ... ||**

Varennius, Joannes

Basileae, 1536

VD16 V 385

Ioachimvs Camerarivs Bonarvm Literarvm Stvdiosis Salvtem.

[urn:nbn:de:hbz:466:1-69674](https://nbn-resolving.org/urn:nbn:de:hbz:466:1-69674)

I O A C H I M V S

CAMERARIVS BONARVM

LITERARVM STVDIO-

SIS SALVTEM.



V M alia multa docto-
rum hominū scripta, q̄
nostris temporib. edun-
tur, spem ferunt futu-
rum, ut bonæ artes ali-
quādo eos fruct⁹ apud
nos quoq; ferant, quos suppeditare cul-
toribus suis semper consueuere: Tum
me maxime delectāt ea scripta, quibus
studiosi ad sermonis ueritatē, & exqui-
situm usum deducūtur. Non enim pro-
fecto hoc inane est studiū, ut quibusdā
uidetur, qui infamantes, uerborum tan-
tum esse aiūt. Quod tamen ipsum in tan-
to uulgi errore, & prauitate sentētiarum
uincere, difficile; neq; nobis scilicet hoc
est propositum in præsentia. Sed amato-
ribus sermonis Græci, quo omnes artes
& disciplinæ, ipsa deniq; quàm latè pa-

A 2 ret

EPISTOLA

ter Philosophia continetur, uere laudare hunc libellū cōmendareq; bonitatis nomine possum, in quo multa, uel potius pleraq; omnia, ordine & diligenter exposita sunt, quæ præceptis cōprehendenda alicui esse uideant, ut huius auctori multum gratiæ à studiosis profecto debeat: Quem apparet permagni facere huius linguæ studiū, quippe quod nostris quoq; pueris, ut Romanis censuit oportere Fabius, p̄cipuū esse uelit. In quo ut illius cupiditati uenia danda, ita assentiendum temere non est. Neq; enim in nullo usu uel scriptionis uel locutionis, proprietates linguæ perdisci potest: & quæ neglecta proprietate opera impeditur, propemodum perdi ludicq; uidetur uniuersa. Neq; ego nescio, nullam esse in dicendo his temporibus ualiosius linguæ eloquētiam: hoc tamen negari non potest, complures ingeniosos, adhibita eximia cura, & secutos rationē singularem, industria sua mediocria scripta lingua Latina elaborasse, nō etiam nullos

nullos eximiam laudem esse adeptos:
 quod in Græca nemo adhuc qui tenta-
 ret, nedum qui cōsequeretur inuentus
 est. Quare longe ab eo absumus, ut lin-
 guæ Latinæ ignaris Græcam recte trade-
 re, nō modo expositione illius, sed etiā
 (in quo est plurimū momēti positum)
 exemplo nostro possimus, quod in lati-
 nitate utcunq; præstatur à nō indoctis,
 neq; indiligentibus. Ego autem etiam
 seriuscule deducendū esse, quē ordine
 literis instituere uelis, ad Græcam, cum
 iam de usu Latine & illam melius intel-
 ligere, & huius ipsius cognitionem per-
 ficere possit: tantum abest, ut teneræ &
 ignorantī ætati ingerendam esse existi-
 mem. quod sunt, qui utriusq; nonnun-
 quā indocti, ambitione inducti, nō sine
 detrimento quidem discipulorū facere
 comperiantur. Omnino ita est harum
 linguarū studium inter se iungendum,
 ut unum alteri quasi manum porrigat,
 & ut mox æquali gradu ad eruditionē
 tendant: qua parte Græca adhuc sanē

est quasi annis imbecillior, quam ut ad se Latinam ualeat attrahere. hoc igitur munus Latinæ fuerit, grandioris & robustioris, quam tamē ipsa Græca postea pficiat, & quasi cōcinnet. Quapropter faciendū nulla ratione est, ut separatim altera utra perdiscenda suscipiatur, sed utraq; de altera percipi debet. Neq; solum necessariam illam reddunt cognitu illæ artes, quæ quia à Græcis inuētæ et excultæ essent, Græcæ dictæ fuere: sed etiam ipsius Latine linguæ exquisita, et non cōfusa ratio, qualis sine illius quasi *ἐπιλογισμῶ* iniri nulla unquam poterit. Hoc qui, ut dico, habere sibi psuaserit, is omni cura & cogitatione similia et dissimilia harum linguarum, dum autores harum leget, animaduertet atq; annotabit uerba, res, sententias, figuras, deniq; compositionem ipsam & formam orationis. Neq; quisquā arbitratus sit, inane hoc esse, & tantummodo uerborum studium, quod quidē imperiti, ut supra diximus, obijciunt. Non enim mereres

tue

tur tantos illud labores, non per tot discrimina ualitudinis & facultatū appeteretur. Ita enim profecto res se habet, cū oratio ipsius mentis interpret sit, cōsiliorum & cogitationum nullam posse uel reuera esse, uel intelligi saltem constantiam, in neglectione certitudinis sermonis: ut necesse sit, hoc studio ipsum animū colligi et cōstitui, atq; componi, nō tantum linguam instrui. Verum hic se disputationis campus latior aperit, q̄ ut in illum hoc tempore excurrendum esse uideatur. & quamuis non quidem dixerim, sed indicauerim, atq; paucis p̄strinxerim sentētiā meā, tamen probatum iri confido ijs, qui rem ipsam perpendere cū aliqua attentione animi uoluerint: quibus tamen ipsis si contraria ratio potior forte uideatur, teneant sanē suam, mihi relinquunt meā. neq; enim dissensio hęc etiam discessionem facere debeat. Redeo igitur ad hunc librum, quem utinā autor exemplis de scriptis ueterū assumptis locupletare uoluisset.

EPISTOLA

nam admodum auxisset præceptorum
utilitatem. Ego quidem hortor omnes
sermonis atq; artium studiosos, non qui
dem ut parui faciant præcepta, aut despi
ciãt: sed ut nisi accumulata exẽplis, qua
si anima carere arbitrent. Neq; ulla res,
ut opinor, nobis nũc etiam obstat, neq;
ingenij expertib. neq; detrectãtib. stu
dium ac laborẽ, quã illa in scholis &
ad dictata magistrorũ hæsitatio & mo
ra, quo minus eximia laude multi in no
stra etiam gente artiũ atq; doctrinã eni
teãt. V su est & factõ opus. Ad horum
laudem cum præcepta sola ipsa nũquã
suffecerint, sed & quid aliĩ in quoc; ge
nere præstantes fecerint uidendum, &
idem nobis conãdum experiendumq;
fuerit: nos quidẽ ceperamus, sequentes
quasi filum autoris, singulatim præce
ptionib. aliquid attexere. Sed hoc pro
positum quo minus per totum librum
duceremus, rupẽre necessariã occupa
tiones hoc tẽpore, quo ille excuderet.
Nos tamen, si uidebitur, aliquando illa
relicta

N V N C V P A T O R I A.

relicta quoque persequemur. Etsi profecto multo maius operæ precium facturus est, qui hæc in scriptis veterum animaduertere, et ad illorum certitudinem exquirere, & ipsa huc applicare, quam nostræ uel alterius collectioni studuerit. In qua tamen re indicationis opera commodi non parum studiosis allatura forte sit. Restat ut hæc qualiacunque, neque numero, neque pondere magni æstimanda, collata ad instruenda studia sua, studiosi Græce linguæ boni consulant.

F I N I S.

Annotatiunculas, quas hic subijcere, ex autoris instituto, conueniebat, ad Libelli calcem referre oportuit: cuius te quoque, Candide lector, admonendum duximus.

A S I O A N